

Imeqarfissatut isumalluutinik mingutsitsinaveersaarnissaq imerineqartussamillu imeqarfiliorneq pillugit Namminersornerullutik Oqartussat Nalunaarutaat

Avatangiisit illorsorneqarnissaannik Inatsisartut peqqussutaanni nr. 12-im 22. december 1988-imeersumi § 1, nr. 2 aamma 9, § 36, § 46, imm. 2 aamma § 47 naapertorlugin KANUKOKA-lu isumasiorlugu ataatsimeeqatigereerlugu aalaj angersarneqarput:

Kapitali 1.

Siunertat nassuaatillu.

§ 1. Nalunaarutikkut matumuuna siunertarineqarput imeqarfiliornerup malittarisassiornissaa aamma illoqarfinni nunaqarfinnilu illuliorfioresruntu illuliorfissatullu pilersaarutaasunut naammattumik annertussusilinnik pitsaassusilinnillu imeqarfissaqartitsinissap qularnaallineqarnissa.

§ 2. Nunap qaavata ernganik nalunaarummi uani pineqarpoq imeq, aput sermerlu nunap qaaniittut, puilasumiittooq, kuunneersoq tatsineersorlu, tamakkualu saniatigut sapusikkaneersoq assigisaanneersorlu.

§ 3. Nunap iluata ernganik nalunaarummi uani pineqarpoq imeq sermerlu, qillerinertigut, puilasutigut allatulluunniit assaanikkut nunap iluanit pineqarsinnaasut.

§ 4. Imeqarfissap eqqaanik imermik piffiusinnaasumik nalunaarummi uani pineqarpoq nuna arlaannik periaaseqarluni imermik nunap iluaniiittumik imaluunniit qaavaniittumik piffiusinnaasussaq.

§ 5. Nulunaarummi uani imeqarnermik makku pineqarput:

- 1) Imeqarfissamik ruujoritigut, sullulatigut erngullu isaaviisigut atuinerit tamarmik.
- 2) Qanorluunniit allatut periaaseqarluni imeqarfissamik atuineq, taanna atorneqassappat imeqarfiup kikkulluunniit imeqarfigasaata imaluunniit suliffeqarfiup imilorsornissaanut.

§ 6. Nalunaarummi uani kikkulluunniit imeqarfigisaannik pineqarput imeqarfiit aaqqissuussinerillu namminersortunit pisortanillu pigineqartut ingerlanneqartullu, illuliorfiusunut imermik imerineqartussatut pitsaassusilimmik pilersuisut periarfissaqarluni ruujorinik (kisermaatassanik) imaluunniit maqitsisarfinnik kikkunnilluunniit atorneqarsinnaasunik atassuserfiginissaannut.

§ 7. Killiliussat nalunaarummi uani pineqartut tassaapput nunap ilai killiliinerni avatangiisit innarlitsaaliorneqarnissaannik inatsisartut peqqussutaanni 30-im 30-taaneqartuni pineqartut.

Kapitali 2.

Naalakkersuisut nassuaataat killiliussanillu aa1ajangersaaneq.

§ 8. Imeqarfissatut isumalluutit imeqarfillu pioreersut pillugit Naalakkersuisut kommuninut ataasiakkaanut nassuaasiussapput. Nassuaat minnerpaamik makkuninnga imaqassaaq:

- 1) imeqarfissatut isumalluutit suiniinnerinik, annertussusiinik pitsaassusiinillu kiisalu tamakkua eqqaanni nunataasa imeqarfissamut attumasut qanoq annertutiginerinik nalunaarsuutinik,
- 2) imeqarfissatut isumalluutit tamakkua ermisa pisariaqartumik qanoq suliarineqartariaqarnerisa allaaserinerannik,
- 3) erngup qanoq annertutigisup illoqarfinni nunaqarfinnilu ataasiakkaani illuliorfiusunut pilersuutigineqarsinnaanera tamatumani lu aningaasartutissat pillugit naatsorsuusiaagallartunik,
- 4) imermik pilersuiffit pioreersut sumiinnerisa, qanoq pissarsiviutigisinnaallutillu pitsaassuseqarnerisa kiisalu teknikkikut qanoq ittuunerisa allaaserinerannik aamma
- 5) imeqarfissatut isumalluutit taaneqartut eqqaanni killigititaasussat pillugit siunnersuutinik.

§ 9. Naalakkersuisut nassuaat iluarsaattassavaat ukioq allortarlugu.

§ 10. Nassuaat communalbestyrelsimit saqqummiunneqassaaq, taannaluu pisinnaatitaavoq nassuaatip Naalakkersuisunut oqaaseqaateqarfiginissaanut killiliussassatullu siunnersuutigineqartut pillugit allannguutissanik siunnersuuteqarnissamut.

Imm. 2. Oqaaseqaateqarnissamut allannguutissanillu siunnersuuteqarnissamut piffissarititaasoq saqqummiussinermiit sap. akunnerinik 6-inik sivisussuseqarpooq.

§ 11. Allannguutissanik siunnersuuteqarnissamut piffissarititaasoq naappat kommunimi imermik pilersuinissami imeqarfissamaatit eqqaanni killigititaasussat Naalakkersuisut aalaj angissavaat.

Imm. 2. Kommunalbestyrelsili allannguutissatut siunnersummik saqqummiussaqarsimappat aalajangiineq piissaq communalbestyrelse isumaqatiginiaqqaarlugu.

Imm. 3. Killigititaasussanik aalajangiineq atortuulissaaq ullormit tamatuma koitrniunalbestyrelsimit nalunaarutigineqarfianit.

§ 12. Killigititaagallartussat Naalakkersuisut sukkulluunniit aalajangersinnaavaat, tamannali tamatuma kingorna oqaluuserineqartassaaq §§ 8-11-imu maleruagassiat malillugit.

§ 13. Killiliussanit §§ 11-12-imu aalajangerneqartunit Naalakkersuisut immikkut ittumik akuersissuteqarsinnaapput avatangiisit innarlitsaaliorneqarnissaannik inatsisartut peqqussutaanni § 31 naapertorlugu.

§ 14. Avatangiisit innarlitsaaliorneqarnissaannik inatsisartut peqqussutaanni § 33 naapertorlugu Naalakkersuisut suliani tamani kapitali una naapertorlugu aalajangiineri pisassapput nakorsaaneq isumasioqatigeqqaarlugu.

Kapitali 3.

Imeqarfiliornissamut akuerineqarneq.

§ 15. Imeqarfiliortoqarsinnaavoq aatsaat Naalakkersuisunit akuerineqarluni.

Imm. 2. Imeqarfiliornissamut akuerineqarnissaq allaganngorlugu Naalakkersuisunut qinnutigineqassaaq makku nalunaarlugit:

- 1) qinnuteqartup kinaanera,
- 2) imeq pissarsiarineqartoq tamarmi atorneqassanersoq imeqarfimmut kikkulluunniit imeqarfigisassaannut, aamma inuussutissarsiummik allanilluunniit immikkut ittunik siunertaqartoqarnersoq imeqarfiliassakkut tassuuna pilersorusutanik,

- 3) imermut qanoq annertutigisumut imeqarfiliornissamut akuerineqarnissaq kissaatigineqartoq aamma
- 4) imeqarfiliassamut akuersissutip qanoq sivisutigisumik atornissaa kissaatigineqartoq.

Kapitali 4.

Maalaaruteqarnissamut periarfissat.

§ 16. Avatangiisit innarlitsaaliorneqarnissaannik inatsisartut peqqussutaanni § 41 malillugu nalunaarut una naapertorlugu aalajangiinerit tamarmik inatsisartut peqqussutaanni kapitali 10-mi aalajangersakkat malillugit inatsisartut maalaaruteqarnermut ataatsimiitaliaannut suliassanngortinnejarsinnaapput.

Kapitali 5.

Nakkutilliineq.

§ 17. Avatangiisit innarlitsaaliorneqarnissaannik inatsisartut peqqussutaanni § 9 malillugu nalunaartip matuma eqqortinneqarnissa kommunalbestyrelsip nakkutigissavaa.

Kapitali 6.

Pineqaatissiinermut atortuulersitsinermullu aalajangersakkat.

§ 18. § 15-imik aamma § 20, imm. 2-mik unioqqutitsisoq akiliisinnejarsinnaavoq.

§ 19. Unioqqutitsinerit aktieselskabinit imaluunniit anpartsselskabinit, piginneqatigiiffinnit (andelsselskabinit) imaluunniit assigisaannit unioqqutitsineruppata selskabi akiliisitaasinnaavoq.

Unioqqutitsineq Namminersornerullutik Oqartussanit, kommunimit imaluunniit kommuninit ataatsimoortunit unioqqutitsineruppata taava Namminersornerullutik Oqartussat, kommunit imaluunniit kommunit ataatsimoortut akiliisitaasinnaapput.

§ 20. Imeqarfinnik kikkullunniit imeqarfisisassaannik pioreersunik inuussutissarsiusinut imaluunniit siunertanut allanut immikkut ittunut pilersuisuunngitsunik § 15-imi aalajangersagaq najoqqutarinagu ingerlatsisoqaaannarsinnaavoq Naalakkersuisunit akuerineqanngitsumik.

Imm. 2. Imeqarfinnik allanik pioreersunik ingerlatsisoqassangilaq 1993-imi decembarip 31-ata kingornagut. Kisiannili imermik pilersuiffeqarnissaq, tak. § 15. imm. 2, tamanna sioqquillugu qinnutigineqarsimappat imermik pilersuiffeqartoqarsinnaavoq Naalakkersuisut aalajangiinissaasa tungaannut.

§ 21. Nalunaarut una atortuulissaq 1. maj 1993.

Namminersornerullutik Oqartussat, ulloq 15. april 1993.

Ove Rosing Olsen

/

Torben Cordtz

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqtaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut